

Miercus 14
La Sante Crôs

Sabide 17
S. Robert

Martars 20
Ss. Martars coreans

Il proverbi
Cui che al è usât a fâ il mâl,
lu pense



Il soreli
Ai 14 al jeve aes 6.43
e al va a mont aes 19.21

Joibe 15
La Madone dolorade

Domenie 18
S. Josef di Cupertin

Il timp
Zornadis plui cjaldis

Lis voris dal mès
Gjavait vie lis plantis
che si son secjadis




La lune
Ai 16 lune plene

Vinars 16
Ss. Corneli e Ciprian

Lunis 19
S. Zenâr

la GNOVE

GLEMONE Tal concors par fruts si conte ancje il taramot



Il Comun di Glemone, tal inovâl dai 40 agns dal taramot e a ricuart di pre Pieri Londar a 30 agns de sô muart, al à bandît la XX edizion dal concors par assegnâ il premi in lenghe furlane «Glemone: ir, vuei e doman». Il concors si compon di trê sezions:

la prime dedicade a un lavôr di narative in lenghe furlane; la seconde par un lavôr di didatiche dal insegnament in lenghe furlane intes scuelis de infanzie, primariis o secundariis di prin grât; la tierce, risiervade ai fruts des scuelis primariis o secundariis di prin grât, par un test in lenghe furlane. Ae prime sezion, vierte a ducj, si concor cuntun lavôr di narative par fruts di no plui di 11 agns, par furlan che al rivuardi il taramot dal Friûl tal 1976 (te foto: il domo di Glemone sdrumât). Par cheste sezion a son previodûts trê premis: il prin di 500 euros, il secont di 300 euros e il tierç di 200 euros. Ducj i lavôrs a varan di rivâ li dal Comun di Glemone drenti dai 31 di Otubar. Lis premiazioms si daveuzaran a Palaç Boton ai 8 di Dicembar. Par informazioms, indreçâsi al Uffici relazioms cul public sorecomunâl pe lenghe furlane, sede di Glemone, in orari di ufici, telefonant al numar 0432/973239.

Domenie ai 18 di Setembar, a Vildivar, si memoree il poete e scritôr furlan cun tescj gjavâts de sô produzion leterarie

Giacomini inte sô vile

Jentrade a grups des 6 sot sere, ogni miezore. Prenotazioms drenti dai 16 di Setembar

A LÈ STÂT UN DAI protagoniscj de culture furlane dai ultins decenis. Scritôr, poete par furlan e talian, ma ancje critic di art, filolic e tradutôr, Amedeo Giacomini (te foto a man drete) al à metût al centri de sô opare il Friûl e la sô lenghe (che al à tacât a doprâ daspò dal taramot dal 1976), rivant a risultâts espressifs alts tant di jessi considerât il plui grant che il Friûl al vedi vût dopo Pasolini.

A lui, tai dis agns de muart (al è mancjât ai 23 di Zenâr dal 2006), al è dedicât il spettacul dal titul «Curiosant te cjase native», pe regjie di Paolo Bortolussi, in programe domenie ai 18 di Setembar te Vile Giacomini a Vildivar, il so paîs, par iniziative de amministrazion comunâl che, cussì, al memoree la figure dal so innoventat concitadin, studiât cumò ancje intune universitât di New York.

Des 6 sot sere, ogni miezore, grups di 20 personis a jentraran te vile dal Votcent – dal 1961 di proprietât dal Comun –, a



percoraran lis sôs stanziis, a 'nt cerçaran la atmosfere e a scoltaran une selezion di tescj gjavâts de produzion leterarie dal poete e scritôr furlan che a pituraran ben «la imagine dal so paîs e de sô int cui voi di Giacomini», e spiegher Bortolussi, ancje cul jutori di doi videos.

Par assisti al spettacul, che al è gratuit,

si à di prenotâsi drenti des 7 di sere di vinars ai 16 di Setembar. Par informazioms e prenotazioms si à di clamâ la biblioteche di Vildivar al numar 0432/778751 (il lunis des 10 di matine a une dopomisdì, miercus e vinars des 2 e mieze daspomisdì aes 7 di sere).

ERIKA ADAMI

Storie de art furlane in lenghe/82..... A Udin, tra fontanis e scjalis



Te foto: la fontane di Zuan di Udin te place Sant Jacum.

A ZUAN DI UDIN I PROJETS che i àn dât sodisfazion a son i lavôrs fats a Udin, come la fontane di place Marçjât Gnûf, dopo Sant Jacum, vuê place Matteotti. La fontane, prime, e jere logade tal cjanton viers vie Canciani; il stîl al è sul classic antic che al conferme la classicitât dal artist. La scjalnade su la façade de tramontane dal cjistiel di Udin i à dât la inonime di «proto», ven a stâi a cjâf des mastrancis e architets public.

Tal 1547 i àn dât di progettâ une scjalnade che e puartàs par fûr al salon dal cjistiel. Il motif doprât al è chel che al veve imparât di Michelangelo, in particolar li de biblioteche Laurenziane di Florence. Di fat, la dople rampe di scjalis e je ripide e alte e no permet une soluzion armoniche, ma cjalant l'insiemi dal bas e da il just ecuilibri tal contest de façade daûr, dant la stesse dignitât di chê devant.

Zuan di Udin al à fat di mancul di lâ a fâ lavôrs a Vignesie tal palaç Grimani par podê lavorâ in Friûl. Al à dât il miôr di se tai stucs e decorazioms te sale dal cjistiel di Spilimberc, dulà che si viodin pipins che a tegnin sù festons ornâts di pomis e flôrs, che si alternin cun meda-

ions in stuc in rilêf e armaduris vielis pituradis. No vin une date sigure par chest lavôr, ma al varès di jessi viers il 1533, an che l'artist al è documentât in Friûl.

Restât in Friûl si è dedicât ancje a lavôrs plui piçui come i confenons pal cjapitul dal domo di Cividât (1539-'42), ma di chescj al reste dome un schiç intune pagine dal so libri dai conts. I confenons si son fruiâts e rimplaçâts tal 1729 cun des copiis, esistentis fin ae fin dal Sietcent.

Tai ultins agns de sô residence in Friûl o vin i siei ultins lavôrs di piture, te tor a soreli amont tal cjistiel di Colorêt. Dal pont di viste stilistic l'interessant cicli al è costituît dal insiemi di plui elements, stucs e afrescs, dulà che si viôt la culture decorative dal artist viers la metât dal Cincent, e no dome venite, ma soreduet romane, maduride in timp dai viaçs a Rome, viodint i artiscj che a lavoravin tal cors dai agns Quarante dal secul, orientant a sô volte ancje lui lis sieltis viers episodis mitologjics. Dilunc dai ultins lavôrs a Rome, tes decorazioms des Lozis vaticanis, al muâr tal 1561.

BEPi AGOSTINIS

SERVIZI POSTALI di Altissimo Livello Qualitativo

un nuovo sistema rapido e sicuro

Agenzia  I.P.O.S.T. di Domini Stefania

CODROIPO

Via Roma, 55 (UD)
dal lunedì al venerdì
8.00-18.30 orario continuato
sabato dalle 8.00 alle 12.00
Tel. 327 3616847
codroipo@i-post.it

Siamo presenti anche a UDINE

In Via S. Francesco d'Assisi, 33
dal lunedì al venerdì
9.00-18.00 orario continuato
Tel. 0432 229338
udine@i-post.it

"nella posta ci mettiamo il cuore"



- Recapito Certificato
- Raccomandata Semplice ed A/R
- Posta Prioritaria
- Posta Massiva
- Tracking
- Pagamento Bollettini
- Direct Marketing
- Door to Door
- Data Service
- Elaborazione Documenti
- Produzione DM
- Imbustamento e Piega
- Business Communication
- Spedizione Pacchi
- Imballaggio